

B. Juvnehtimmieh Sveerjese guktie Europaraerien ministeremoenehtsen njoelkedassem Sveerjesne nuhtjedh

Ministeremoenehtse juvnehtimmie RecChL(2011)3 dan bijre guktie Sveerje Europaraerien ministeremoenehtsen njoelkesassem laanthåessie- jallh unnebelåhkoegielh Sveerjesne nuhtjie

(Ministerkommidtee 12-n golken asken 2011 1123:de tjåangkosne ambasadöorigujmie daam vaalteme)

Europaraerien njoelkedassen laanthåessie- jallh unnebelåhkoegieli bijre Artihkele 16-n mietie; gosse ussjedamme Sveerjen deklarasjovnen bijre 9-n b. goevten asken 2000; gosse ussjedamme Expertemoenehtsen goerehtimmien bijre guktie Sveerje Njoelkedassem nuhtjie; daejreminie ahte daate goerehtimmie biëvnesh åtna dovne Sveerjen nasjovne tjaalegistie, lissiebiëvnesh svienske byjjesfaamojste, biëvnesh aaj laahpeme eensinåhkens åårganiyste jih ektiedimmijste Sveerjesne, jih biëvnesh maam Expertemoenehtse veedtjeme gosse Sveerjesne orreme; gosse dijri mietie ussjedamme mejtie svienske byjjesfaamoeh Expertemoenehtsen tjaalegen sisvegen birjre; dellie Ministeremoenehtse svienske byjjesfaamojde juvnehte ahte dah edtjeh gaajhkh giehtjedimmieh jih juvnehtimmieh edtja dåriedidh jih voestemes biejedh:

- ööhpehtimmiem gaajhkine laanthåessie- jallh unnebelåhkoegieline nånnoestidh. Dam edtja stukturelle vuekien mietie eensiligkien darjodh soptseståjjaj daarpoej jih gielen tsiehkien darjodh;
- tjirkedh ahte "ietniengielen" ööhpehtimmie lea dan hijven goh njolkedasse jeahta edtja årrodh jih ahte rikti jih sjiehteles dihte ööhpehtimie, guktie learoehkh edjtieh diëves lohkeme- jih tjaalememahtoem jeksieh daejnie gieline;
- jienebe ööhpehtimmiem saemien jih såvmien gieline öörnedh, jih guektiengielen ööhpehtimmie meangielesne tseegkedh;
- lohkehtëjjaööhpehtimmiem tseegkedh man lea nuekies vierhtieh gaajhkide dejtie laanthåessie- jallh unnebelåhkoegielide jih mij ulmide sjeahta;
- learoevierhtieh darjodh gaajhkide dejtie laanthåessie- jallh unnebelåhkoegielide.